



Broj: 04-44-1-231/19
Sarajevo, 23.12.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 20.12.2019. do 07:00 sati 23.12.2019. godine

Vlada Kantona Sarajevo je dana, 20.12.2019.godine, donijela odluku o ukidanju epizode „Upozorenje“ u svim zonama Kantona Sarajevo, u kojima se primjenjuje Plan interventnih mjera u slučajevima prekomjerne zagađenosti zraka u KS, zbog pada koncentracija zagađujućih čestica u zraku.

Iz istog razloga, **Stručni tim za koordinaciju i nadzor provedbe pomenutog Plana** ukinuo je i epizodu „Pripravnost“.

Obje odluke donesene su na osnovu prognoze vremena Federalnog hidrometeorološkog zavoda, koji u narednim danima najavljuje oblačno vrijeme sa kišom i umjerenim do jakim vjetrom, uz povremene olujne udare.

Kantonalni operativni centar civilne zaštite je dana, 21.12.2019. godine primio dvije informacije, od građana, da je uslijed jakog vjetra došlo do oštećanja dva krova u naselju Tarčin. Dežurni u Kantonalnom operativnom centru civilne zaštite odmah je obavijestio pripadnike Službe civilne zaštite Hadžići koji su izašli na lice mjesta sa pripadnicima Vatrogasnog društva Tarčin te sanirali dva oštećena krova.

Jak vjetar je tokom navedenog dana oborio dva semafora i to jedan na Pofalićima i dugi na Dolac Malti, dok je u naselju Otoka vjetar oštetio fasadu na poslovnom kompleksu Capital Tower.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo, u izvještajnom periodu, su imali 24 manje intervencije i to: 14



intervencija na gašenju zapaljenog smeća u kontejneru, 5 intervencije na gašenju zapaljenog dimnjaka, 3 intervencije na gašenju zapaljenog niskog rasinja, jednu tehničku intervenciju na saniranju oštećenja prilikom obrušavanja dijela plafona u ugostiteljskom objektu i jedno obezbjeđenje na pretakanju goriva na Međunarodnom aerodromu Sarajevo.

Napomena: U protekla 24 sata Pripadnici Kantonalne uprave civilne zaštite Kantona Sarajevo imali su tri manje intervencije i to: dvije intervencije na gašenju zapaljenog smeća u kontejneru i jedno obezbjeđenje na pretakanju goriva na Međunarodnom aerodromu Sarajevo.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljudi, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskim postrojenjima.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

JKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 2°C, vlažnost zraka 89%, barometarski pritisak 923,3 hPa.

BIHAMK: Saobraćaj se na području Kantonu Sarajevo odvija uredno. Na dionicama gdje se izvode planirani radovi saobraćaj se odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premjeru Kantona Sarajevo
- Direktoru KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a

